

# Vuk'uzenzele



Produced by Government Communications (GCIS)

English/Xitsonga

| Mudyaxihi 2018 Nkandziyiso 1

## Land claim reaps rewards

**A KWAZULU-NATAL (KZN)** community will soon be enjoying the rewards of a successful land claim that they have turned into a private game reserve.



■ The Mayibuye Game Reserve has already created jobs and will ensure that the wildlife economy thrives.

**Hlengiwe Ngobese**

The first black-owned private game reserve is on the cards for KZN, thanks

to a R15 million government investment to the Mayibuye Community Trust.

The word mayibuye, which means to return in isiZulu, is also the name of the 5

581-hectare Mayibuye Game Reserve which is located between Pietermaritzburg and Durban.

The land being returned to the community was taken via forced removals in 1963,

which saw 445 people lose their homes.

Chairperson of the reserve, Welcome Maphanga said the community was relocated to

● **Cont. page 1**



**Science powers education**

Page 7



**Youth say YES to employment**

Page 8



**ALSO AVAILABLE ON:**



@VukuzenzeleNews

f Vuk'uzenzele

Websites: [www.gcis.gov.za](http://www.gcis.gov.za)

[www.vukuzenzele.gov.za](http://www.vukuzenzele.gov.za)

E-mail: [vukuzenzele@gcis.gov.za](mailto:vukuzenzele@gcis.gov.za)

Tel: (+27) 12 473 0353

**Free Copy**

*“There can be no greater gift than that of giving one’s time and energy to help others without expecting anything in return.”*

Nelson Mandela





# Vantshwa veri YES eka ku thoriwa

**GOZA RA MFUMO** leri ri kongomisiweke eka ku nyika ntokoto wa ntirho lowu hakelaka eka vantshwa va miliyoni yin'we lava va nga tirheki.

**M**asego Temane u tsakile ku va a kuma ntokoto wa ntirho, lowu wu fambelana na Dipililoma ya Mafambiselo ya Vuthori, laha a ngenhisaka xandla eka Vukorhokeri bya ku Thoriwa ka Vantshwa (YES).

YES, leyi ya ha ku simekiwaka hi Presidente Cyril Ramaphosa, yi kongomisiwa eka ku lulamisela vantshwa eka ku thoriwa na ku va nyika



■ Masego Temane loyi a nga tsaka swinene ku va xirho xa vantshwa eka nongonoko wa YES.

vuswikoti bya xithekiniki lebyi byi lavekaka ku seketela vutumbuluxavumaki bya ikhonomi.

Temane u hlamusela leswaku endzhaku ka loko a thwasele tidyondzo ta yena hi 2016, a nga kotanga ku endla xikombelo xa ntirho hikuva a nga ri hava ntokoto lowu lavekaka.

"A swi tika ngopfu ku lavana na ntirho u ri hava ntokoto. Hi nkateko ndzi hlangane na Vuyimeri bya Vuthori bya Lulaway lebyi byi tirhisana na YES, na kona byi ndzi nyike ntirhodyondzo."

YES i nhlanganelo wa mfumo, ndzawulo ya vatirhi na mabindzu ku nyika ntokoto wa ntirho lowu hakelaka eka miliyoni yin'we ya vantshwa va MaAfrika-Dzonga eka malembe yanharhu lawa ya taka.

Vulavisi lebyi byi endlweke hi lava va nga na xiave

byi kombisa leswaku ntokoto wa ntirho wa lembe rin'we eka CV, laha ku nga na papalari ri vulavulaka hi vumunhu bya wena, swi engetelela ku va muntshwa a kuma ntirho hi ndlela ya le henhla.

Temane u engetele leswaku u rhandza ntirho wa yena, ngopfungopfu hikuva u kuma nkarhi wo pfuna vantshwa van'wana ku kuma ntirho tanihi leswi a nga mutirhadyondzo wo thola.

Ekusimekiweni ka YES Presidente Ramaphosa u tivisiwile eka vantshwa vo sungula va 100 lava va nga ta thoriwa eka ku suka eka nongonoko hi ABSA, Investec, Netcare, Sasol na Unilever.

"Hi vona goza leri tanihi phuphu yin'wana ya matshalatshala ya rixaka ku tumbuluxa mikateko yo va vantshwa va thoriwa. Phuphu yin'wana ya le xikarhi i nhluvukiso wa vutshila na vuswikoti bya vantshwa," ku vule Presidente Ramaphosa.

U kombele mabindzu lama-

tsongo ku va na xiave tanihi leswi ya nga na mitirho yo tala na ku tlhela a vula leswaku mabindzu a ya nge swi koti ku amukela vantshwa lava va enelege ya ri woxe.

Hi ku ya hi CEO ya YES Tashmia Ismail-Saville, eka 15.5 wa timiliyoni ta vanhu va Afrika-Dzonga lava va nga exikarhi ka malembe ya 18 na 34, 5.8 wa timiliyoni a va na mitirho.

"YES yi tiyimisele ku nyika xiphemu xolexo xa vantshwa va hina, lava va nga tekeriwiki enhlokweni hi maendlelo ya ku thoriwa eka nkarhi lowu hi nga eka wona laha tikweni, nkateko wo sungua wa nkoka ku va va kuma ntokoto wa ntirho lowu hakelaka lowu wu nga wa xiyimo xa le henhla," ku vule Ismail-Saville.

Tanihi ku engetelela xinavetisi eka mabindzu lamatsongo, lawa ya tholaka vantshwa va vantima, exikarhi ka malembe ya 18 na 29, ya ta pfumeleriwa ku va ya kuma

Xinavetisi xa Xibalo xa Ntirho lexi xi ringanaka na R1000 hi n'hweti.

Vantshwa va YES va fanele va:

- Ri exikarhi ka 18- na 34- wa malembe
- Nga thoriwanga ku tlula tsevu wa malembe
- Ri vanhu vantima. (MaAfrika, Makhaladi na MaIndiya)
- Loko tikhamphani ti tsakela ku koxa Xinavetisi xa Xibalo xa Ntirho, vantshwa va fanele va ri exikarhi ka malembe ya 18 na 29.

## Xana vantshwa va ta hola mali muni?

Muholo wu languteriwa ku va eka muholovugimatso-ngo wa R3 500.00 hi n'hweti, leswi swi katsaka ku leteriwa na nseketelo. Ntsengo wa le xikarhi i R55 000 hi lembe. ■

Ku tiva to tala, endzela: [www.yes4youth.co.za](http://www.yes4youth.co.za)

## Ririmi rintshwa etafuleni ra Afrika-Dzonga

**VARHANGERI VA XINTU** va na ntirho wukulu wa ku wu endla eku akeni ka muganga lowu wu nga ri ki na vusiwana, vupfumalantirho na nkandzingano.

### Neo Semono

**K**helobedu ri nga ha va ririmi ra vu 12 ra ximfumo ra Afrika-Dzonga leswi swi fambisanaka na ku vuyisela xindzhuti eka vurhangeri bya xintu.

Presidente Cyril Ramaphosa u endle xitiviso lexi eka ntirho wo veka Hosikazi ya Balobedu eRivaleni ra mitlangu ra Mokwakwaila eBolobedu, Ka-Modjadji eLimpopo.

Khelobedu i ririmi leri ri vulavuriwaka hi vukosi bya Bolobedu laha Hosikazi ya Mpfula leyi ya ha ku hlawuriwaka leyi yi nga na malembe ya 13, Masalana-bo Modjadji, a nga ta teka vurhangeri loko a khoma malembe ya 18, endzhaku ka ku vekiwa tanihi Hosikazi Modjadji wa Vunkombombo (VII).

U ta thwasa hi ku landzelele maendlelo na mindhavuko ya Balobedu.

"Leri i goza ra ntiyiso ra matimu leri Mama Winnie Madikizela-Mandela a ta tinyungubuyisa hi rona. Lebyi hi byona Vuhosikazi byo sungula naswona byi ri byoxe laha tikweni na matiko hinkwawo ya Afrika," ku vule Presidente Ramaphosa.

Presidente Ramaphosa u tiyisisile ku ti yimisele ka mfumo eka ku vuyisela xichavo na xindzhuti eka vurhangeri bya xintu.

Vuhosikazi bya Balobedu byi tekeriwe enhlokweni ximfumo hi Nyenyankulu 2016 endzhaku ka loko Khomixini ya Vurhangeri bya Xintu bya Mikwetlembetano na Swikoxo (CTLDC) yi endlile vulavisi eka xiyimo xa Balobedu, hi ku ya hi swikoxo

leswi swi yisiweke eka CTLDC.

"Mfumo wu ti yimiserile ku vona leswaku swihlawulekiso swa Kavanyisa ka 12 swa Vumbiwa swa tirha, ngopfungopfu ku vuyiseriwa swa xindzhuti eka ndhawu ya vurhangeri bya xintu eka xidimokirasi lexi xi fambisiwaka hi Vumbiwa," ku vule Presidente Ramaphosa.

U vurile leswaku ku va ku tekeriwa enhlokweni Vuhosikazi eAfrikaDzonga swi kombisa ku ti yimisele eka nawu na nkoka wa ndzingano wa rimbewu, loko hi hala tlhelo swi kombisa ku tekela enhlokweni ntirho wa vurhangeri lowu vavasati va wu endlaka laha vuton'wini.

"Varhangeri va xintu va na ntirho wa nkoka ku wu endla eku akeni ka muganga lowu wu nga ri ki na

vusiwana, vupfumalantirho na nkandzingano. Varhangeri va hina va xintu va fanele va va emahlweni eka ku lwa ku vuyisela timfanelo na xindzhuti xa vanhu va hina."

U ye emahlweni a tshikelele nkoka wa ntirho lowu wu endlwaka hi varhangeri va xintu eku vuyiseleni ka misava eka vinyi va yona va ntiyiso.

"Va fanele va tiyisisa leswaku misava yi tlheriseriwa eka lava va tirhaka eka yona na leswaku lava misava yi tlheriseriwa eka vona va fanele va kuma tindlela to yi tirha," ku vule Presidente Ramaphosa.

Kwalomu ka 25 wa timiliyoni ta vanhu lava va tshamaka ematikoxikaya va endla tano ehansi ka vurhangeri bya varhangeri va xintu. ■

### Xana a wu swi tiva?

- Balobedu va vuye va onhakeriwa loko hi 1972 loyi a ri Hosikazi ya Mpfula Makoma Modjadji a tekeriwe matimba na xidlodlo a sala a nga ri na vuhosi.
- Miganga na tindhuna leti a ti ri ehansi ka vulawuri bya yena ti vuye ti ngenhiswa eka khale ka matikoxikaya ya Lebowa na Gazankulu laha ku onhiweke ku fuma ka mindhavuko na rixaka ra hosikazi leswi a swi ri kona eka malembendzhaku ya 400.